

NO SOALAN : 99

PEMBERITAHUAN PERTANYAAN BAGI JAWAPAN LISAN

PERTANYAAN : LISAN

**DARIPADA : DATO' DR. NIK MAZIAN BIN NIK
MOHAMAD
(PASIR PUTEH)**

**TARIKH : 31.07.17
(ISNIN)**

SOALAN:

Minta **PERDANA MENTERI** menyatakan sikap dan pendirian Kerajaan Malaysia sebagai ahli OIC terhadap isu pemboikotan negara-negara Arab di timur tengah kepada Qatar dan apakah peranan Kerajaan dalam membantu usaha penyatuan negara-negara di bawah OIC. Apakah usaha-usaha yang boleh dan telah dimainkan oleh Kerajaan Malaysia terhadap kemelut ini.

JAWAPAN:

Tuan Yang di-Pertua,

Buat masa ini adalah kurang sesuai bagi Malaysia untuk membangkitkan isu ini dalam Mesyuarat OIC. Kita berpendirian bahawa setakat hari ini, isu ini perlu ditangani terlebih dahulu di kalangan negara-negara Teluk. Tambahan pula, Kuwait sebagai salah satu negara anggota OIC juga telah pun menjadi perantara bagi isu ini. Kita patut memberi peluang kepada Kuwait untuk memainkan peranannya dalam meredakan ketegangan antara Qatar dan negara-negara Teluk yang berkenaan.

Pada sesi ke-44 Majlis Menteri-menteri Luar Negeri OIC yang telah diadakan dari 10 hingga 11 Julai 2017 di Azerbaijan, pendirian mereka ialah tidak menjadikan isu ini sebagai salah satu agendanya. Sekretariat OIC serta negara-negara anggota OIC percaya bahawa sesi tersebut bukanlah platform terbaik untuk membincangkan krisis Qatar. Ini pendirian OIC sendiri. Kebanyakan negara anggota OIC berpandangan bahawa perkara ini merupakan isu dalaman negara-negara Teluk dan Kuwait sebagai salah satu negara anggota OIC perlu diberikan peluang untuk memainkan peranannya sebagai perantara dalam krisis ini.